

**E. verecundum** Schltr., nov. spec.

Epiphyticum, ut videtur e basi ramosum, curvatum vel subpensile, ad 15 cm longum; rhizomate valde abbreviato; radicibus filiformibus, flexuosis, glabris; caulibus ramosis, in parte basali vaginatis, caeterum satis dense foliatis, vaginis foliorum arctissime amplectentibus, persistentibus, striato-rugulosis, paulo compressis omnino obtectis, 3—3,5 mm latis; foliis patentibus, lanceolato-ligulatis, obtusiusculis vel subacutis, in sectione haud valde coriaceis, 2,5—3,5 cm longis, infra medium 6—10 mm latis; racemis more sectionis terminalibus, sessilibus vel subsessilibus, distichis, sublaxe vel subdense 4—7-floris, usque ad 2,3 cm longis; bracteis et vaginis in ima basi pedunculi foliaceis, compressis, obtusiusculis, bracteis sparsim squamulosis, ovarium paulo vel tertia parte superantibus; floribus parvulis, illis *E. strobiliferi* Rehb. f. similibus et fere aequimagnis, fide collectoris albis, glabris, carnosis; sepalis oblongo-ligulatis, obtusis vel obtusiusculis, nervo mediano extus carinato-incrassatis, 5 mm longis, lateralibus sublanceolatis, obliquis; petalis lineari-ligulatis, obtusiusculis, 3-nerviis, obliquis, quam sepala fere aequilongis; labelli ungue lineari, columnae marginibus omnino adnato, c. 2 mm longo, lamina ovato-cordata, acuta, basi incrassatione triangulari antice evanescente donata, 3 mm longa, supra basin c. 2,25 mm lata; columna recta, apicem versus sensim paulo dilatata, lobis lateralibus juxta apicem falcato-triangulis, acutis, satis magnis; ovario antice vesicato-funiculato, pedicello brevi incluso c. 5 mm longo, sparsim et minute furfuraceo.

Panama: Auf Hügeln bei Panama-City — no. 209.

Unsere Pflanze steht dem *E. strobiliferum* Rehb. f. aus Guyana recht nahe, ist äußerlich aber durch dünnere, durchschnittlich längere Blätter und lockerere Blütentrauben mit weniger Blüten charakterisiert. Außerdem sind die Blütenteile, vor allen Dingen das Labellum, in ihrer Form abweichend.

Die Blütenfärbung gibt Mr. Powell als „weiß“ an.